

13 APR 2001

DR MAHATHIR ANJUR JAMUAN MALAM BAGI PUTERA MAHKOTA DUBAI

PUTRAJAYA, 13 April (Bernama) -- Perdana Menteri Datuk Seri Dr Mahathir Mohamad menganjurkan jamuan malam bagi meraikan Putera Mahkota Dubai dan Menteri Pertahanan Emiriah Arab Bersatu (UAE) Sheikh Mohamed Rashid Al-Maktoum, di Seri Perdana di sini.

Sheikh Mohamed Rashid tiba di sini hari ini bagi lawatan tidak rasmi sehari.

Yang turut hadir ialah Pengerusi Penerbangan Awam Dubai dan Pengerusi Emirates Airline Sheikh Ahmed Saeed Al Maktoum dan duta UAE ke Malaysia Mohammed Ali Al-Osaimi.

Menteri Luar Datuk Seri Syed Hamid Albar dan Menteri Pertahanan Datuk Seri Najib Tun Razak turut hadir pada majlis itu.

Dr Mahathir akan melakukan lawatan kerja ke UAE pada 26 hingga 29 April ini dan dijadual akan menyampaikan ucapan tama pada seminar "Menghadapi Cabaran-Cabaran Abad Ke-21".

-- BERNAMA

HS HS RHM